

法制

大總統令陸軍內務財政三部照參議院議案將各省軍政分府酌改

爲司令長不得干涉民政財政由 (附議案)

案據陸軍部呈開統一軍政民政財政辦法請咨參議院議定辦法等因據此當即咨移參議院照議茲據咨覆前來合就令行該部仰即會同陸軍財政內務三部遵照原議妥爲辦理可也此令

原議案錄左

查各省光復後軍政民政財政等權往往歸於同一機關如軍政分府雖在一隅之地而權限輒逸出軍事範圍以外致民政財政難於統一今官制既未訂定急宜發布臨時命令將軍政分府名目即日撤銷如地勢上爲應駐兵之處應由該省都督酌設司令部專管該處軍事所需款項開列預算呈由都督核撥其他民政財政悉由地方官主政司令部長絕對不得干涉仍候官制頒行後另遵通則辦理應祈飭由陸軍部內務部財政部會電各省都督切實遵辦並令其將遵辦情形隨時電告各部以資查考

令示

大總統令法制局審定官職試驗章程草案由

現在南北統一兵事已息整飭吏治惟有舉行官職試驗以合格人員分發各省以資任用之一法茲據內務部呈送官職試驗章程草案前來其所定試驗資格及他項規定有無尙須改訂增加之處合行令仰該局悉心審查尅日呈覆候咨交參議院議決事關要政切勿稽延此令

大總統令財政部委任湯壽潛林文慶往南洋勸募公債並頒發委任

狀由

案據該部因勸募南洋各埠公債事宜呈請委任總副理會同前往等因准此茲特委任湯壽潛爲南洋勸募公債總理林文慶爲勸募南洋公債副理各給委任狀一紙附令頒發仰卽遵照轉達毋誤切切此令

大總統令教育部核辦甘霖呈請由美賠款項下給予官費遊學美國
由

茲據甘霖呈請由美賠款項下給予官費游學美國等因查民國新建獎勵游學而培養人才實爲當今急務但資格如何選派學費如何籌措應由該部統籌全局酌核辦理合就將原呈發交該部仰即查照核辦可也此令

大總統令陸軍部選派衛兵駐參議院守衛由

據參議院咨稱按本院辦事規則第三十三條應置守衛長一人守衛兵四十二人目下本院已完全成立亟需添置守衛查駐滬軍精神秩序皆有可觀請迅賜行知陸軍部就滬軍中選派兵士四十二人並遴選守衛長一人常駐本院以備守衛等因查守衛事宜關係重要仰即迅速查照辦理爲要此令

陸軍部通告各省都督各司令長速將衛生機關暨司藥員造冊報部

電文

各省都督各司令長均鑒武漢軍興以來無慮大小戰役負傷軍人恒因失治而致不救至留守士兵之死於疾病瀉毒者尤難枚舉其原因爲衛生機關之不備其影響歸於戰鬥力之猝減刻頒布陸軍暫行編制雖已編定各項軍醫員數及衛生隊之組織然吾國

醫學人才缺乏分配甚難各軍隊現有軍醫之程度不齊又復漫無統計長此以往爲患伊于胡底茲由本部籌劃改良辦法集配急需人員冀達完全軍隊衛生之目的貴管下所有已設之衛生機關及現有軍醫司藥之姓名履歷務請卽速造冊呈部以備考核以後所有應設衛生各機關及選用軍醫司藥官等均須預先報部酌核以重衛生而一規

副陸軍部總長黃興簡

外交部照會駐

滬英美德日各國領事
滬通商交涉使

除清帝原有私產外所有清廷手內

之動產或不動產均屬國有不得私相授受由

爲照會事照得清帝退位民國統一按照優待清帝條件有保護清帝原有私產之一條除此項私產外凡未退位前在清廷手內之動產或不動產自退位之日起均屬民國國有其物主權不得私相授受如有此項情事我民國政府當視爲無法律效力之買賣必將該物產追還除電知各國駐北京公使外合行照會貴領事查照卽希通告

實國人民一體知悉可也須至照會者
事並請其轉告各國人民

內務部咨各省頒布新歷由

前奉大總統令現在改定陽歷應即編三歷書頒布全國等因奉此本部即派專員綜合中外歷書體察人民習慣採擷精要迅即編成呈請大總統核准後即行付梓現已印就合即附印頒行全國惟書成倉卒印出無多每省頒發五千部其不敷之數由各都督府翻印以資普及而利推行此咨





臨時政府公報 附錄

中華民國元年二月二十四日星期一
六 隨報附出 不另徵費

成都都督尹昌衡羅淪鑿川省召集臨時省會權宜辦法自屬可行至議決權限各省亦未一致惟在斟酌情勢爲之總統孫文

(南京去電十九)

北京袁大總統鑒山西屢電請轉知撤退太原兵召還晉省都督查前清兵在晉確有野蠻舉動大拂輿情現在中國一家秦兵既肯退出潼關何獨薄於晉省若晉督還晉李盛鐸仍爲民政長則一是安謐矣謹佈候復孫文

(南京去電二十)

西安都督張鳳翽鑒南北統一而升允反對共和袁公亦主擊之如尊處兵力不足可就近商袁部合兵總統孫文

(南京去電十六)

廣東各界團體並送各報館公鑒連接各界議舉家兄爲粵督之電文未作答非避嫌也家兄質直過人而素不嫻於政治一登舞台人易欺以其方粵督任重才淺肆應決非所宜若爲事擇人則安置民軍辦理實業家兄當能爲之與其強以所難將來不免覆餗何

如慎之於始知兄者莫若弟文愛吾粵卽以愛兄也謹佈孫文叩簡 (南京去電十七)

福州孫都督彭政務長公鑒迭接來電彭君經營光復之事文所素知卽光復以後亦賴襄贊誠如孫都督所言現時外官制未畫一各省權宜之辦法自可照行尤有言者吾輩對於國事有所謂役務無所謂利權故責任未盡者不能以引退爲名高此意尤望君等體之總統孫文叩禱 (南京去電十八)

南京孫大總統黃陸軍總長鈞鑒滬軍都督陳其美光復上海親攻製造局幾瀕於危規畫蘇杭追復金陵一切勳勞均邀洞鑒無俟贅陳自建功滬上保衛商旅地方賴以安全今雖南北籌統一而大局實未敕平陳都督立功蘇杭足資鎮攝亟當兼轄蘇省以一事權所屬人民同表歡迎之意作霖等亦祇爲地方求治人起見據實電陳伏乞俯賜採擇地方幸甚大局幸甚商務總會陳作霖滬南商會王震商務公所朱佩珍全國商團聯合會沈懋昭國民總會葉增銘市政所長莫錫綸同叩 (上海來電十)

大總統鑒民國初建亡清法律多不適用刑法尤爲最著前囑司法司人員依據清法律館編訂未行之新刑律酌加修改凡不合國體政體各律一併刪去并起草時格於頑固

黨反對未行者重加採擇都爲三百九十條名曰湖南現行刑法現雖擬定尙未頒行以法用統一而論應俟鈞府編訂刑法頒布照行然法院開幕在卽亡清現行刑律既不適用又不能不指示一種法典使法官有所依據使人民有所率由應否卽以敝府所擬湖南現行刑法行之抑仍候鈞府頒定刑法行之敬請迅賜核覆以憑照辦湘都督譚延闓

文

(十一)

大總統鈞鑒庚電敬悉湘省自起義以來綱運多阻食鹽缺乏迭催湘商赴揚捆運嗣因兩淮鹽政總局飭商去運預繳釐課每鴻厥價千兩有零商力不逮致形觀望已屢電張總理照章兌扣現在各局倉儲告罄若非川粵鹽販協濟民間早已淡食然久任浸銷淮鹽引岸勢必被其侵佔淮湘餉需均有妨碍茲奉鈞電有應行覆陳者數端分別於下一湘商在運每票向祇繳錢糧課捐千三四百兩其餘釐課等項均在岸扣繳名爲環釐以紓商力今鹽政總局於在運例繳之外責令每引加繳銀六兩二分商何能任查在岸扣繳之款內有預釐一兩淮釐一兩八錢六分八釐加課經費一兩二錢一分三釐新釐八錢每引共四兩八錢八分擬從現在訂運之鹽爲始銷竣後全數由湘解交江南俾照成

案歲以十四萬陸百□十引爲定額其准釐預釐新釐項下照案應撥大債賠款一協各餉均由江南統收循章分撥所有總局預繳釐課辦法應請轉飭取銷已另電鹽政總理二湖省鹽稅並無指抵外債逕解稅務司之款其加價內有湘省撥解新案贛款□文及土濯二文海防二當(此處疑訛)存兄候撥三湘商自陰歷九月以後在途之鹽多被沿江軍隊扣留勒買課本無着商情疑畏迄未請咨環遶應請分電沿江各省切實保護嗣後如係湖省票商在儀棧照舊章捆運之鹽一入湖境卽爲湖省餉需民食所關自應仍舊保護至前因軍餉孔亟已向湘商借銀三千兩原議分綱扣還業據繳到四分之三並無他項窒碍四湘省食鹽向係川淮粵並銷事權必須統一早經設立鹽政處派員歸例辦理如必另由張總長委員督銷准鹽徒滋虛糜所有湖南鹽政處長應仍由湘委任移文鹽政總局其應解江南之款現已定有成數卽由該處隨時報解藉免波折鹽務一途爲民食所需卽餉源所出且鄰省既賴茲協濟洋款亦多資抵自應互相維持保全大局區區苦衷伏乞鑒諒湘都督譚延闓元

(十二)

天津張制台轉安徽張撫台濟南張撫台開封齊撫台太原李撫台各省制台撫台頃接

孫大總統陽歷十九日電稱南軍各隊業已電令停戰進行據尊電所言則或有未接布告而生誤會者今已嚴諭各軍切實遵守矣等語特此佈聞新舉大總統袁效 北京來電十五

孫大總統鑒咸電備悉現在政體解決元洪副總統及大元帥之職已向參議院電辭俟重新舉定後即行解職尊處推荐袁公一節此間人均頗贊成赴京代表頃已委任不日即附輪往滬以便偕唐君少川等同行特復元洪刪

(武昌來電一)

孫大總統鑒張勳軍隊既向山東退走我軍因徐州士民之請刻已進駐徐州此復姚雨平叩銑

(南宿州電二)

民立報轉呈大總統莊蔣兩都督鑒宿境自河密灣一帶前被北軍佔據本日隨曲君同豐楊君桂堂往商均已退出收回地面秩序照常謹聞民政長陳杭叩銑(宿遷來電三)

孫大總統鑒頃接烟台胡君瑛來電云前接魯撫張廣建電囑派代表赴濟協商瑛按魯省非由兵力完全光復與東南各省情形不同况滿廷已遜位南北一律贊成共和似宜和平解決不必再啓戰端現彼軍退出黃山願我軍復佔黃縣似宜不再前進以免衝突互派代表接洽冀解決免重人民負擔是否有當祈卓裁示覆並飭滬軍討虜隊遵照胡

瑛叩銑云云現議和事竣廷已辭代表之職此事應如何辦理請由尊處直接電告胡君至禱廷芳巧二印

(上海來電四)

孫大總統鑒登黃舉義時同人公推連君承基爲臨時都督辭不獲已胡君經武抵烟後連君銳意退讓同人欽其毅力仰其讓德堅留爲魯軍總司令強之再三始受職應卽電聞並懇轉知各省都督山東共和急進會同人叩

(山東來電五)

孫大總統黃陸軍總長同鑒迭接奉省趙督及軍官等先後電稱奉省已贊成共和改稱中華民國換懸五色國旗改行陽歷云如藍天蔚不再擾攘東方大局可望保全袁世凱巧

(北京來電六)

孫大總統鈞鑒接海軍部鹽電敬悉清帝退位北方贊成共和於十五日舉行民國統一大典典禮海軍人員無不歡欣鼓舞已飭各船升旗放砲慶賀矣據陸軍部電傳鈞命所有北伐軍悉改爲討虜軍以符名實而免誤會等因薊銘念北來海軍勢力頗厚且整齊嚴肅爲中外所欽佩旌旂所指海面肅清今既南北一家彼此自無庸歧視特內地交通不便惟恐沿海各省尙未週知因懇由大總統電諭魯燕各港口暨在港各軍隊自清帝

退位之日起升掛民國五色旗一月銘當率各艦親往查視其有不遵命令不懸國旗者當照伍代表之處辦理是否可行尙祈鈞示北伐海軍總司令湯薌銘叩銑

(烟台來電五)

孫逸仙先生鑒來電悉建設方始偉論卓見深爲嘉佩從此南北一家聯絡一氣鞏固共和基礎增進人民幸福爲五大洲之強國實所至願姜桂題


(北京來電六)

孫大總統鑒項城真電諒已入覽此後組織中央統一南北及一切建設方法在在皆重要問題稍一失著卽足以啓內訌而招外侮閣下學識最精內政外交早深研究當必胸有成算解決進行但刻下各省人心尤必須協同一致共襄大業始易弭隱患而促成功元洪於鄂屬各軍及各部處業經本此意通飭期相勉勵其他省各機關處應請由尊處通知以便拔除意見各秉大公群趨於至當不易之辦法毋使民國前途稍有阻滯實所欣禱區區微忱卽希亮察施行元洪寒印

(武昌來電八)

參議院及各部長都督議會鑒鄂省臨時議會舉定劉心源爲議長已於今日開成立會知念特聞刪

(武昌來電九)



本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰令示曰紀事曰電報曰抄譯外報曰雜報
其子目見前

四 本報日出一册如遇國家紀念日星期日政府停止辦公時本報亦休
刊一日

五 政府對於各地所發令示或宣布法律凡載登本報者公文未到以本
報到後爲有效

六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江 興漢日報

常州 大街老王大昌

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

中外日報

上海寶善街公順里仁和號

燕湖 民立報分館

廣州 中國日報

香港 軍事報

天津 民意報

舊金山 大同報

中西報

少年報

檀香山 自由新報

印刷所 臨時政府印鑄局工廠

總統府印鑄局工廠開工廣告

本局昨奉

大總統命令已將南洋印刷工廠收歸印鑄局管理故定名曰印鑄局工廠茲已將原料購製完備定於初五日開工所有印刷物品不特可供國家之取用而商各界如有願交易者請隨時到廠與營業科接洽庶不至誤至各品價目均係斟酌至當無論何人決不欺飾特此佈告俾衆咸知

黃復生 謹白
彭丕昕

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民誦誦良用惡焉本部現擬徵集歌譜俟取材較多再致請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

● 本報廣告 ●

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦伊始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督府件如有號外附錄則似無此種屬雜之患也

特 白

● 本報特白 ●

本報開辦伊始趕急排印出版手民過於動勞茲定星期一休息一天